



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus II. De ætate ad valorem Sponsarium de præsenti.

[urn:nbn:de:hbz:466:1-73058](#)

ARTICULUS II.

De ætate ad valorem Sponsalium de presenti.

601. Ante resolutionem supponendum, pubertatem aliam esse naturalem, aliam legalem. Illa est, quam retulimus n. 599. ex Barbosa; ista verò Jure Canonico censetur adesse (in ordine ad validè contrahendum matrimonium, quantum est vi sufficientis ætatis) non tantum ex numero annorum, sed etiam licet ad eos annos nondum perventum sit, modo prudentia suppleat ætatem; juxta n. 595. vel contrahentes sint proximi pubertati. Si autem quæras. 1. qualis debeat esse numerus annorum? Resp. quod ille, quo quis de jure pubes dicitur, ut ait P. Thomas Sanchez lib. 6. Matr. d. 38. num. 2. juxta quem pubes, seu puber dicitur malculus post quatuordecim annos completos, & fæmina post duodecim similiter completos. Pubertas igitur hujusmodi ætas est, ante quam puer dicatur impubes, seu pupillus; fæmina autem, pupilla: plena pubertas Viris contingit 18. ætatis anno, fæminis 14. L. Arrogatio ff. de adoption. & L. Mela, ff. de alimen. & cibar. leg. Sanchez lib. 7. D. 103.

602. Si quæras. 2. quando quis censetur proximus pubertati? responder Pyrrhus Corrad. lib. 4. dispens. Apostol. cap. 3. d. num. 2. Cùm nihil in hoc definitum sit in jure, definitum Judicis arbitrio, hoc est, prudenti judicio. Arg. L. 1. ff. de Jure deliberandi; at juxta Sanchez. cit. l. 1. D. 51. num. 24. approximare pubertati in hac materia dicitur puer, decimum annum cum dimidio excedens; & fæmina, cum excedit nonum, & dimidium. Hinc ante istam ætatem uterque dicitur infans proximus. Et hæc expositio (quæ tradit Sanchez) fundatur in jure.

Nam cùm puella infra nubiles annos in Uxorem cuidam tradita fuerit, & ad nubiles annos perveniens, alii nubendi licentiam postulasset, auditæ non fuit, nec separata, ut habetur in c. Continebatur. b. t. s. (ut ibid. loquitur Alexander III.) fuerit nubili ætati proxima, hoc est, ut idemmet Pontifex exponit: si in undecimo, vel circa duodecimum annum ei cum

suo consensu fuit sponsata. Hinc, licet valeat matrimonium initum ante pubertatem, quæ scilicet habetur ex numero annorum, si adsit pubertas legalis, maliitia supplementum ætatem, vel proximitatis ad annos requisitos; in dubio tamen, non præsumitur adesse potentiam generandi ante annos jure expressos, quod hoc rarius contingat; ita Sanchez l. 7. b. t. D. 104. præter quod notandum, diversam ætatem in Viris, & fæminis pro matrimonio, eandem autem in Sponsalibus, definitam propterea, quod ad Sponsalia sufficiat rationis usus, qui eodem ferè tempore Viris & fæminis advenit; ad matrimonium autem potentia generandi desideratur, quæ tardius in Viris reperitur; sic Barbo. in c. litens. 4. hoc tit. num. 3. Ex dictis colliges, valide contrahi matrimonium (quantum est vi ætatis) à pubertate, sive naturaliter, sive legaliter talibus, adeoque illos, qui alterutro modo sunt puberes, non impediri à matrimonio jure contrahendo ex defectu ætatis; qui cæteroquin parentibus dictâ pubertate præstat impedimentum dirimens matrimonium eo defectu stante contrahendum, aut contractum. Ex quo ulterius sequitur, matrimonium ab impuberibus inter se, vel cum pubere contractum, esse jure nullum, defectu ætatis.

Quæres, an peccent contrahentes matrimonium ante legitimam ætatem? Resp. negativam doceri à P. Sanchez. sup. cit. quia licet in c. 2. b. t. distictius inhibetur, ne aliqui, ante ætatem jure determinatam, conjugantur; hoc tamen non intelligitur de conjunctione per consummationem conjugalem, sed per carnalem copulam. 2. quia ejusmodi matrimonia impuberum non valent in vi matrimonii, sed tantum in vi Sponsalium; sed contrahendo Sponsalia ante ætatem jure determinatam non peccant, ut dictum est: ergo nec contrahendo matrimonium.

Oppositum tuerit P. Robertus König b. t. n. 3. volens committi grave sacrilegium non fecit, ac si adulti cum impedimento dirimente contraherent, vel in aliis Sacramentis Minister talem defectum committeret, ut Sacramentum invalidum redderetur. Nec obstare censet, quod ejus-

ejusmodi matrimonia habeant duntaxat rationem Sponsalium. Nam hoc ipsum, inquit, est sacrilegium, usurpare materiam, & formam Sacramenti; immo intendere Sacramentum perficere in talibus circumstantiis, ubi non potest valere ut matrimonium, & Sacramentum, sed tantum ut Sponsalia, quae minimè sunt Sacramenta.

604. Quantum attinet sententiam Patris Sanchez, verbum illud, *ne conjugantur, non videtur exponi posse, nisi de coniunctione per consensum; non autem de coniunctione per carnalem copulam.* Quia illam coniunctionem ante aetatem, iure determinatam, Pontifex in cit. c. 1. *Ubi non est b. t. discribitur inhibet, quæ concedi non potest, nisi forte aliquà urgenterissima necessitate interveniente (ut si pro bono pacis) toleretur, sed copula carnalis sine animorum coniunctione nec in urgenterissima necessitate toleratur; ergo coniunctionem per copulam carnalem, sine coniunctione animorum in cit. c. 2. Pontifex non inhibet; ergo inhibet coniunctionem animorum per matrimonium ante aetatem iure determinatam.*

Sed nec ratio affirmantis placet. Vel enim loquitur de impuberibus, qui matrimonium, ante aetatem iure determinatam contrahunt, *scientibus nullitatem matrimonii, sic contracti, vel ignorantibus? si de ignorantibus?* quod assumit, locum non habet; quia nec contrahentes cum impedimento dirimente, nec Minister confecrando materiam incapacem, (*ignorans incapacitatem*) committit sacrilegium formaliter; nam de materiali hinc non agitur.

Si autem de scientibus? non videtur eo casu posse quis velle iungere matrimonium, vel Sacramentum, sciens imberbatur obstatu valori contractus. Quis enim efficaciter velit, quod scit fieri non posse, nisi forsitan ex pura malitia velit, exercere actus illos externos in contemptum Sacramenti; & de hoc solum casu loqui videretur textus in c. 2. Cum fieri possit, quod vel ipsi impuberis se; vel alii quandoque, cupiditate lucri, quod sperant ex ejusmodi coniunctione; etiam scientes prohibitionem legis, impuberis conjungant, parentes eorum nomine co-

ram illis contrahendo, Parochus, & Testes assistendo. Et tali casu contrahendo, non est dubium, peccari a scientibus, se nulliter agere.

Deinde dupliciter fieri potest, quod 605: quis (potens confidere Sacramentum) scienter usurpet materiam, & formam Sacramenti, quin conficiat Sacramentum, primò quando id agit sine animo confidendi Sacramentum; secundò quando id agit cum illa intentione, sed sciens materiam v.g. hic & nunc esse affectam aliquā circumstantiā, ratione cuius nequit esse idonea Sacramento; & in hoc casu contingit irreverentia rebus sacris; cum, ut ponitur in casu, scienter pronuntiet formam nomine Christi; id, quod non habet forma prolata non nomine Christi.

ARTICULUS III.

An parentes, loco Impuberum, Sponsalia validè contrahant?

Non est dubium, apud omnes propè gentes, quasi jure patrio, Parentes liberi suis providisse de conjugiis, prout allatis exemplis copiosè demonstrat Gonzalez in Tit. de desponsatione Impub. d.n. 1. & quamvis ad liberorum nuptias consensus parentum apud omnes propè Nationes, ac utroque iure, saltem ex decentia, & honestate requiratur ex dict. d.n. 132. ad valorem tamen matrimoniorum, quæ illorum liberi contrahunt, minimè desideratur ex dict. ibid. Quando autem licet etiam prætermittatur, ex eod. loco colligi potest. Quæstio in præsens est, an parentes loco suorum liberorum, fine aliquo ipsorum assensu, validè contrahant Sponsalia, vel matrimonium. Resp. de hoc agi in c. Tua nos. 1. b. t. cum enim Eusebius Episcopus quæsivisset ex Pontifice, an Pater, pro filio suo adulto possit matrimonium contrahere, si id facit sine voluntate illius filii. Honorius Papa rescripsit: *si aliquo modo non consentit filius, fieri non posse; potest autem filium nondum adiutum (voluntas cuius discerni non potest) pater, cui vult, matrimonio tradere.* Et postquam filius pervenerit ad perfectam aetatem, omnino debet hoc adimplere.